

Nuorttanaste
maksu ovta
kruvna jakko
dagast, blad-
de dinggu-
juvvu juokke
poasttarappe
lutte.

Nuorttanaste

Nuorttanaste
olgušboatta
guovte gærde
manost —
dam 15ad ja
dam 30ad
bæive juokke
manost.

Bajasrakadus- ja čuvvgitusbladde samidi.

»Gæca mon boadam farga«

»Leket maidai digis garvvasak.«

No. 17.

15ad September 1904.

6ad jakkodak.

Si æi bæsa sisa.

»Ædnagak šaddek viggat sisa bæssat ja æi bæsa.« Luk. 13, 24.

Go mi dam kapittala lokkap, mast dat sanek čužžuk, de oaidnep mi, atte dak læ bæste vastadus dam gačaldakki: »Hærra! Lækgoson si harvvak, guđek audogassan šaddek?« Dam gačaldaga ouddanbuvti okta Judalažain, gutte Jesus sarne læi guldalam. Jesus jorggala ječas almug vuostai ja cælkka daid sanid: »Bargget duodalažat dam baskes uksaraige mielde sisačagnat,« dai sani bokte aiggo son migjidi cælkket, atte dat uksa, mi audogasvutti doalvvo, læ nuft baskke, atte i oktage fuolamættom ja oagjebas siello dam čađa matte bæssat, dušše dat, gutte duodalažat bargga, matta dam agalaš almesida juksat. Ja de muittala Jesus dasto, atte ædnagak šaddek viggat sisa bæssat ja æi bæsa. Mærkaš! Dast sardnujuvvu albmai sisaboattem birra daihe audogasvutti boattem birra. Dat i læk nuft, atte ædnagak galggek viggat Jesus čađa boattet æige bæsa. Dat olmuš, gutte Jesus siste aivestassi su bestujumes occa, i goassege šadda duššas occat, dam birra duošasta sikke ođđa ja boares testamenta. Profet Jerimias bokte cælkka Hærra: »Di galggabetet mu occat, ja di galggabetet mu gavdnat, go di occabetet mu obba din vaimostædek.« Jer. 29, 13. Jesus cælkka: »Dam, gutte mu lusa boatta, im mon eisege olguš hoigad.« Joh. 10, 9. Daina čalabaiken oaidnep mi čielggaset, atte dat, gutte albmai hali da boattet dam uvva ja gœino mielde, maid Ibmel ješ læ rappam, galgga audogassan šaddat; mutto dak, gu-

đek šaddek occat æige bæssat, læk daggarak, guđek jurdašek ješvalljuvvum gæinoi alde juksat alme ja audogasvuoda. Ja buok daggaridi cælkka Hærra: »Si galggek viggat sisa bæssat, mutto æi bæsa.«

Mi aiggop dast namatek muttomid daina »ædnagin,« guđek Jesus sani mielde galggek viggat sisa boattet ællemi, audogasvutti, mutto æi bæsa. Vuost dak, guđek **viggek sin čabba ællemasek ja bu-rid dagoidasek bokte boattet sisa.**

Dai særvvai gullek buokak, guđek biettalek Jesusa Ibmel bardnen ja olmušsoga bæsten, Ibmela oaffarlabban. Si cælkkek, atte buorre læ Jesusa ouddamærkkan adnet ja buorre læ su luoddai mielde čuovvot; mutto uksan albmai ja audogasvutti si æi siđa su adnet. »Si galggek viggat sisa bæssat, mutto æi bæsa.« Gavdnujek maidai ærak, guđek galle jakkek, atte Jesus læ Ibmel bardne ja mailme bæste, mutto bigjek dorvosek daihe luttek nannosæbbo sin ječaidasek dagoi ala, sin lokkamasek, rokkadusasek, girkkomannamasek ja manga æra religiona dabe ja viero go dam lonastusa ala, mi Jesus Kristus siste læ Jos olmuš jærra daggarin alme ja audogasvuoda doaivo birra, de mattek si oinulaš stuora roakkadvuodain vastedet: »Mi jakkep, atte mi audogassan šaddap.« Jos dasto vidasæbbo jerrujuvvu, mi sist vuoddon læ dam jakkoi, de si dallanaga mærkasattek, atte si vuododek sin jakosek sin ječaidasek dagoi ala, ige Kristus ja su soavatusa ala. Jesus cælkka: »Ærep go din vanhurskesvuotta bagjelmanna čal'opavažai ja farisealažai vanhurskesvuoda, de epet mate di eisege sisaboattet alme valddegodai. Farisealažak Jesus aige bagjelmanne

min aige oamevanhurskaid duodlašvuodast sin ibmelbalosek siste. Si bora-kættai vuoda adne guovte gærde vak-kost, ja logadasa adde buok dast, mi sist læi, ja dast maid si tinijegje. »Si galggek viggat sisa bæssat ja æi bæsa;« dastgo laga dagoi bokte i matte mikkege ožžid vanhurskes læt Ibmel oudast. Dat, gæst i læk hægjabiktasak bagjelest galgga suppijuvvut olgomuš sævdnjadassi. Ja de boatta dasto muttom oera joavkko, namalassi dak,

guđek viggat sisa boattet alma ođ-dasist riegademetaga.

Mon jakam, atte mi juokke sœrvvegoddest gavdnap daggarid, gugek læk kristalašvutti miedamanasak. Si davja mannek girkest ja čoaggalmasain, ja maidai ustebvuoda adnek Ibmel manaiguim; mutto æi goassege dieđe maidege jorggalusast, æige dovda dam vuoina, »mi duodašta min vuoinain, atte mi læp Ibmel manak.« Dai olmui dille læ erinoamaš lakkai vaiddetatte. Sin vahag læ hirbmos stuores. Muttom engelas olmai muittala ovta nuorra nieida birra, gutte læi vaivaš vanhemi manna. Muttom riggis millionæra valdi su dallosis, ja su halidus læi, atte dat nieidda su nama galgai guoddet, mutto nieidda dasa i miettam. Okta su ustebin jærrai sust: »Manditi don ik siđa læt millionæra nieidda, go son juo ješ dam gudne dudnji falla.« Nieidda vastedi: »Mu dille læ almaken nuft buorre dille dego lifčim mon dalo nieidda.« Ja nuft dat læige galle nuft gukka go millionæra eli; mutto go son jami, ige guoddam maŋŋasis maidege testamentai, ja go son i læm dalo nieidda baci son dasa vaivašen, si-da ja ustebitaga. Damditi go son dam ovta dinga submi — mannan

šaddat millionæra dalost, bođi dat aigge, go su dille šaddai varnotæbme. Dat læi hirbmos stuora vahag. Mon balam, atte duon boatte stuora bæive, go Kristus čokkana su duobmarstuolos ala, galggek ædnagak, guđek gullam ja lokkam læt Ibmel sane sodnabœive sodnabœive maŋest šaddat dam nieida lakkai gattat sin jallavuodasek. Dušše dak, guđek Ibmela manak læk, læk maidai Ibmela arbolažak. Jos don ik læk ođđasist riegam, de ik mate don Ibmela valdegodde sisa bæssat. »Si šaddek viggat sisa bæssat, mutto æi bæsa.«

Ja de boatta fast okta joavkko, gutte
gæččala Ibmel armo čađa sisa mannat, mutto æi hœite erit suddolaš allema.

Daggar olbmuk šaddek duššas gæččalet. Jos mi gidda doallat mange šlai dietto-suddost, ouddamærka diti jugišvuodast, fuorravuodast, hanesvuodast, giellasest, sælgebælde sardnomest, vanhurskesmættomvuodast, vašest daihe manikkenessi, de oažžop mi galle gæččalet sisa boattet, mutto mi æp bæsa. Jesus cælkka: »Mon im dovda din, gost di boattebetet.« Maŋemussi namatep mi daggariid,

guđek viggik ila maŋned.

Mi læp buokak lokkam dam vitta jallas nieida birra. Si manne ja goalkkotegje dam sæmma uvsala, mi ravastuvvui dam viđa jiermalas nidi; mutto si botte **ila maŋned.** Si legje fuolatæmed manatam sin arbmoaigesek, ja dal læi ukša dappujuvvum, ige goassege lækkasam sin oudi. Mi bæivalažat oaidnep, atte ædnagak hælbadek sin jorggalusasek, ja ballamest læ atte muttom oasse daina æi goassege daga jorggalusa. Moft læ dal duina, rakis lokke, mon galle dieđam, atte don læk Kristus evangelium gullam; dastgo harvek læk min aige, guđek dam æi læk gullam. Don dai dak vel davjage læk gullam sárdne-
 duvvumen Kristus vara birra, ja dat sardne læ muttom du likatam gadjalidi; mutto moft læ dal duina. Lægo Jesus du sielo vuoitam, vai lækgo don dai »ædnagi« særvest. Lækus dat dudnji dal celkkujuvvum Jesus Kristus namast, atte odne læ arbmo ukša ravastuvvum; mutto farga dat dappujuvvu. Go Ibmel ravasta, de i mate oktage dappat, mutto go Ibmel dappa, de i mate oktage rava-

stet.

Hœrra læ aiggom migjidi dai sani bokte oapatet, atte ædnagak galggek viggat alme ja audogassvuoda juksat; mutto si dam æi galga sattet, damditi go si dam occek ješvallijuvvum gæinoi alde daihe hælbadet dassačigo ila maŋned šadda. Mutto dat siello, gutte dam baskes ukšaraige sisa manna, dam uvsala čađa, man namma læ Jesus, son galgga audogassan šaddat.

* * * * * * | Gukken ja lakka. | * * * * * *

Norga falesbivddek sirddek Amerikai.

Guokta odđa falesbiddemdampa rakkaduvvujek dal Kristianiast. Dak galgaba šaddat garvesen oktober manost, vuolggim diti dallanaga Newfoundlandi Amerikai. Dam dampaguovtost læ 10 olbma goabbastge. Dak læk dušše darolažak.

Dak læk amerikanalažak, gæk rakadattek dam guokta dampu ja maksek olgusgoloid bivdo vuolde.

Fales dobbe Newfoundlanda mærrast i galga læt nu buoidde go dabe Finmarko favlest.

Soatte.

Soatte læ læmas dam maŋemus aiggai hirbmos garas, erinoamašet Liaojangest ja Mukden birrasin. Ædnagak soaltatak læk gæččam guktok belin. Oktibuok galggek læk gobbetam 60,000 soaltata Ruoša ja Japan bælest. Kuropatkin fertti 3ad september guoddet Liaojange, mi damditi bođi Japanesalažai haldoi. Ruošalažak ferttijegje bataret Mukden gavpugi; mutto go Japanesalažak ain doarredege Ruoša soattevæga, de fertti Ruošša ain bataret davabuidi Charbini. I læk vela visse lægo Mukden boattam ollaset Japanesalažai haldoi. Ruošša læ nuftgo mi oaidnep sagga tapim, vaiko galle stuora saigasvuodain læ vuostaičuožžum. Muittaluvvu, atte Ruoša oaivve soattehærra Kuropatkin læ dam maŋeb aiggai hui sagga boarasmuvvam; mutto soaltatak jakkek nanoset su ala.

Orro čajetæme, atte dat soatte

šadda gukka bistet. Ruošša soaltatides ain čoağga dam mađohes stuora rikas mietta ja sadde soattebaikkai. Dal galggek vuolgatuvvut 200,000 olbma.

I Port Arthurge vela læk joavdam Japanesalažai haldoi, vaiko læk gukka ja garraset dollaluodak šuvvam dam gavpug sisa. Erinoamašet læ ladne (festek) saigas vuostaičuožžot, dastgo dat galgga læt okta mailme nannosæmus ladnin. Arvvaluvvu, atte i læk æra radde Japanesalažast go nælgodet Ruoša dam ladne sisa, ja dat maŋemus telegramak dieđetek, atte galgga læk vanes sikke krutak ja borramuš Port Arthurest. Olmuš læ dam gavpug siste ja olgobælde gæččam dego čuoikka bæivalažat. Muittaluvvu, atte Port Arthur soaltatin læk august mano rajest gæččam 6000 olbma, ja Japanesalažai tapa galgga læt vela stuoreb, si galggek læk massam 25,000 olbma. Mutto læ almaken læmas Japanesalažain lasse sadde soattebaikkai ja dađestaga dævdet dai raigi, mak dam hirbmos sorbmijume bokte šaddek.

Okta telegramma, mi London bagjel læ boattam Tokiost, muittala, atte Japanesalažak læk havdadam 3000 gæččam Ruošaid Liaojangest. Ja Ruoša bældæ fast muittaluvvu, atte sarjaduvvumi lokko læ læmas hirbmos.

Maidai muittaluvvu, atte muttom lægest Port Arthur lakka bæččujuvvujegje 700 Japanesalaža aibmoi. Ruošša læi bigjam minai ædnam vuollai, ja dam æi diettam Japanesalažak, damditi galgge si roakkadet dam læge rasta mannat; mutto go si legje boattam dokko, šaddai hirbmos bakkas, ja dak čieča čuođe sardnijuvvujegje aibmoi ja gaikoduvvujegje smava bittan, ouddalgo fast ædnami gæčče.



Brævva „Nuorttanastai“

Mon bivdam saje dam moadde sadnai min samegiel blađđai.

Mudnji bođi jurddagi čallet væhaš dam birra, atte go min samegiel blađek bottek poastarappid lusa, de læk, oažžo juo dagjat davalazat, daggar olbmuk, guđek valdekk blađe æige doaimat doalledi. Manga nummar læk damditi šaddam nuft boarras ja duolvas ouddalgo æigadi ollijek, atte

illa šat oažžo maidege čielggasid. Manne æi mana daggar dietto-angeres olbmuk ja dingo blađe ječasak nammi, dalle si bæsašegje ærai blađi duolvvadæmest ja loaktemest.

Bivdo birra mærkašam, atte dam gæse i læk læmaš min Porsangast mange šlai bivddo. Olbmuk æi læk ožžom dalvejafoid. Dat boatte dalve damditi i čajet buorren, go i dittujuvvu, moft jaffok galggek ožžujuvvut.

Giđđabivddo i læk gal læmaš buok hæjomus; mutto dak ruđak, maid olbmuk dalle fidnejegje læk nokkam. Jos dalvvebivddo i šadda, de læ aibas fuones aigge min vuona olmuidi vuorddagasast.

(Okta sisasaddejægje).

Japanest

čalla muttom miššonæra ovta kristalaš blađđai ja muittala væhaš dille birra dam hirbmos soađe aige.

Son cœlkka: »Bæivalažat buktujuvvujek buocek soattebaikest sidaidi. Muttomak daina laiddejuvvujek guovte olbmuk gaskast, muttomak guddujuvvujek borai alde ja muttomak fast gessujuvvujek jorri alde. Muttomak læk massam juolge, muttomak gieđa ja muttomak fast æra lakkai læk sarjaduvvum. Daggar hamest buktujuvvujek si dal sidi moraštægje ja vai vašvuodast gillajægje vanhemi, akai ja manai lusa; muttomak jabmek sidiboadeđedin matke alde, ja muttomak fasten dallanaga hæga rottejek go stobosek uksalasa siskabællai læk guddujuvvum.

Værok ja olgusmaksamušak lasaneke bæivve bæivest, ja æreb dam gaibbeduvvu vela dat nuft goččujuvvum soatterutta. Dat gaibbeduvvu buokain, vela miššonærakge dam ferttejek makset.

Biebmo ja bivtasgalvvo divvro bæivalažat ja damditi orro nælggehætte sisaguovllamen juokke uksaraige «

Kinesalaš, gutte i aiggom dam ruošalaš albmai.

Muttom brævast, mi gieskad læ boattam muttom ruošalaš soaldatest Port Arthurest, muittaluvvu dam gara soattestivrim birra dam soattevægain birastattujuvvum ladnest. »Juokke bæive,« čalla son, »olgušsadde min general, Støssel, odđa komandoid. Dabe læ rangastust juokke dingast.

Go spičča i sattam orostattet suolavuodá, komanderi Støssel, atte suollagak galgge hængastuvvut. Ikte hængastuvvujegje 3 olbma, gæi scørvest maidai læi okta Kinesalaš, dam oudast go si legje suoladam vodka (buollevine).

Guovtes sist čieroiga ja rokka-dalaiga armo; mutto Kinesalaš dušše nirvai. Go pappa Urmansky suddodvastusa gaibedi oudalgo dak golmas hængastuvvujegje, celki son Kinesari, atte son gatamuša fertte dakkat jos son albmai galgga bæssat ja helvetest vællet. Mutto Kinesalaš vastedi: »Mon im haled dam ruošalaš albmai boattet.«

Loge jage alma nakkartaga.

Muttom šlagtar birra Amerikast muittaluvvu, atte son loge jakkai i læk nakkara muosatam. 16 jage dastoudal algi son smavaset nakkariđ masset. Dalle morrani son muttom iđed hirbmos suorgganemin, mi 3 dimo bisti, ja dam rajest vadnogodi sust nager. Son læ gæččalam buok dai oadđem gaskaomid, mak læk beggujuvvum, mutto i læk mikkege væketam. Sengi son gal manna davalas nokkamaige, mutto i fal boađe nager, almaken læi son, go bajaslikka dibmo 5 aige iđedest likka burist vuoinastam go dak guđek læk oadđam gæčost ija.

Olmai læ dærvas ja virkoi, son 3 gærde bæivest borra, ige læt vel goassege mange šlai davdast buoccam.

Ruošša

læ juo soađest Japanin manatam soatteskipaid 300 million kr. oudast. Ædnak jagek mannek oudal go daggar flaatta go dat, mi dal læ duššaduvvum fast, hakkujuvvu.

Kristalažai doarradallujubme

Kinast.

Telegramma muittala Shanghaiast, Kinast, atte muttom gappugest, man namma læ Ichang, læ okta franskalaš bisina, okta pappa ja kristalaš Kinesarak sorbmijuvvum. Okta pappa læ fanggan valddujuvvum ja golbma papa læ ællenaga bolddujuvvum. 200 soaldata læk dokko saddujuvvum.

Kristalaš girko barggo.

Dat kistalaš miššonsærvæk Amerikast ja Europast læk mannam jage vuostaivalddam bakeni bestjubmai 18, 450,841 dollars. Min ruttarekek miel-

de šadda dat arvo mielde 64½ mill. kr. vna.

Dam summast læ Storbritanien ja Irlanda skappum bagjel 30 mill. kr. Ja dak okti ovtastattujuvvum statak lakka 25 million kr. Dak æra miššonsærvæk Europast, namalassi lutheranalazažak læk čoaččam 10 million kr. arvo.

Aresterijuvvum japanesalaš iskadægjek (spionak) Ruošarikast.

Daina manemus beivin læ Ruoša oaiivvegavpugest Petersborgast aresterijuvvum 2 japanesalaža, guđek oudal soađe algo læiga muttom gavppedoaimatusast gavpperængan. Nubbe sodnost læ mannam dam grekalaš-katholikalaš religioni ja læi naittalam ovtain ruoša nissonin Daina baparin mak sodno duokken gavdnujegje oidnui, atte soai læiga japanesalaš mærraofficerak, guđek galgaiga iskadet čeramaid Ruošaædnamest.

Sust læ buorre varre.

Ruoša kæisarest læk bagjel 100 sloata ja paladsa, maina gavdnujek oktibuok 32,000 balvvalægje, gæi bajasdoallo ja balkka gaibbeda 16 million marke jakkasažat. Kæisasa stalljain čužžuk 5500 hæsta ja su ædnami alde æletuvvujek 50,000 šivita.

Ænaš oase daina sloattain i læk kæisar Nicolaus II goassege oaidnam, ja harvak læk dak, mai siste son læ assam. Mutto almaken ellujuvvu daina sloatain nuft, dego lifei kæisar dobbe alelassi asamen. Juogoson dat uccebin i gævaši lakkai? jærra muttom darogielblađe.

Bibal Norgast.

200 jage dast oudal mavsi okta bibal Norgast aito sæmma mađe go okta hæsta, muittali bisma Bang ovta sarnest. Olles bibal læi harves ja mavsolaš galvvo. Dat fertti dalle hakkujuvvut dušše juokke girkkoi ja pappi. 300 jage reformašon mannel prentejuvvui dat vuostas odđa testamenta Norgast, namalassi dam jage 1854. Dal oažžop mi roakka cækket, atte bibal læ dat halbemus ja ænemusad videdduvvum girje mailmest.

Muttom ganda arvvalus.

Okta jiermalaš gavcejakkasaš gandda gæčadi muttom bæive govaid dalo govabibalest. Fakkistaga arvvalasti son »Mamma, go dat girje læ Ibmel girje,

de arvvalam mon, atte dat læ buoremus, atte mi saddep dam ruktot Ib-meli; dastgo cep mi juo goit ječa ane dam girje goassege.«



Bæddoluokka ja Stuorraide.

Lossaden šadda čiekčat

sæčagasa vuostai.

Muittali „Cammilla.“

Lasse oudeb nummari.

Ođđa vistid bajas algget hukset i læm dal Olausi arvvalæmestge; dastgo i læm oktage daina, mak bulle, asurerijuvvum, ja ænemus su obmudagast læi vælgast valddujuvvum. Dak olbmak, gæina son læi vælgas valddam, algge dallanaga bagjeli mannat, ja son fertti fallita mannat daihe bankaroata spelid. Su obmudak vuovdujuvvi akšona bokte hui uccan had-dai, ja su vælggeolbmak stuora tapa gillajegje.

Olaus fertti dasto laigotet aldse-sis ucca ænagappalagaša millostobo birra, ja son fertti læt ilost damditi go sust læi dakke oaive bagjel.

Dak ođđa Stuoraride æigadak algge dallanaga vistid hukset, ja oud-dalgo jakke læi mannam, de legje buok vistek olles standast.

Olaus fertti dal davalaš bæivve-bargost mannat, ja Erke læi ožžom balvvalusa muttom granna dalost, mi læi $\frac{3}{4}$ mila bajabælde ja goččujuvvi Skarevaggen.

Nuft davja go læi vejolaš finai son sidast ja sæmma aige maidai Bæddoluokastge. Dobbe læi juoga, mi oroi su dego vægald dokko gæsse-men.

Læigo son dat sivo ja juokke lakai buorre dabalaš ja vækalaš Tor-kel ja Olea, vai læigo dat ucca Li-naš? —

Dam son gal i mattam ješge riekta ibmerdet. Mutto visse læi dat, atte Bæddoluokka ala jurdaši son ar-rad ja maŋned, sikke dalle go son bargost læi ja joavddelas aige. Ja dat i læm gal vægjemættom, atte Bæddoluokastge læi soames gutte sæmma lagan jurddagi ja dovdoid gudi.

Olaus læi dat sæmma garravai-molaš ja vuostehagolaš olmai, vaiko Hærra nuft garraset su læi oappalad-dam.

Mutto Erke ja Lina æva æpedam, atte Hærra maŋašassi sodno

ovtastattujuvvum rokkadusaid aiggo gullat; dastgo Olaus ja Anne bestu-jubme læi sodno davalaš rokkadusav-nas. Soai læiga loppedam goabbag-guomasæska dam juo ouddalgo Erke sirdi balvvalussi, atte soai uccemusad ovta gærde bæivest galgaiga sodno guoddet Ibmel ouddi rokkadusast, ja vaiko legje jagek mannam, de æva læm soai dam almaken vajaldattam.

Erke davjes oappaladdam sidast i læm almaken duššas; dastgo su 2 jage nuorab viellja, Einar, læi dam maŋeb aiggai nubbastuvvam saggarak.

Son læi ožžom raddedavda (teri-ga), ja jabmemin čalmides oudast læi songe alggam jurdašet su vassam ib-melmættom ællema ala, ja go son jurdaši, moft sudnji gævva, jos son dam sielo dilest galgga agalašvuoda sisa mannat, de šaddai son sielo læt-tai, ja son algi Ibmelest væke bivd-det. Ja Ibmel sanes doalai. Dam i nordast son erit, gutte su lusa boatta.

Dat nuoramus Stuoraride ma-nain, Sigbrigt, læi maidai gessujuv-vum Hærra guvllui; mutto ollaset i læm son vela ječas luottadam Ibmel sala sisa.

Olaus læi ænaš aige olggon bæi-ved, damditi roakadi Lina davjeb fid-nat millostobost go davalažat. Mutto-min buvti son væhaš borramuša, mut tomin ovta girje, ja go Anne dam oi-ni, de i læm son šat suttas Lina boat-tema diti. Mutto dat, gutte læi æne-musad ilost go son bođi, læi Einar, gutte lavi dego ođđa ælasvuoda oaž-žot, go son Lina uvsast oini.

Algost i læm Linai gæpas Ib-mel birra sardnot millostobost; mutto dal go Einar gessujuvvugodi Ibmel guvllui, læi dat sudnji sagga gæppa-sæbbo, sikke sarnot Ibmel birra ja maidai rokkadallat, ja son oažoi man-ga divras bajasrakkadusboddo dobbe.

Ja alma Lina ja Einar dieđeta-ga algi Bassevuoiŋna smavaset muo-setuttet Anne ako gorggis ja oame-vanhurskes vaimo maidai, nuft atte dat galle lifči ferttim cuovkkanet, jos Olaus i lifči dam dalkodam, go son sidi bođi.

Einar i šaddam boares olmai. Illa legje 3 mano vassam, damrajest go son rafhe Ibmelin gavnai, ouddal-go son oažoi čalmides dappat dam maŋemus nakkari ja sidi mannat Je-sus lusa. Dam maŋemus 2 vakko vællai son ja vurdi ja vurdi jabmema

boatem, i galle dam varast atte erit bæssat ruosast ja gillamušast, mutto damditi atte ovtastattujuvvut su bæ-s-tenes, gutte dal læi šaddam su vaib-moi nuft cækkemættom rakisen.

Damragjai æi læm galles duos-tam ouddandoallat Olausi dam vara-lašvuoda, mi læ olbmudast, go son ælla Ibmeltaga. Ja vela harveb legje si gæi son lifči guldalam.

Mutto dal i læm nuft buorre dast erit bæssat; dastgo sust i læm æmbo go okta stoppo, ja jos son sto-bost galgai orrot, de fertti son Einara rokkadusai ja ravvagi gullat.

Imašlaš fabmo læ daina sanin, mak bottek ovta jabme baksami bag-jel, ja erinoamašet go dat læ olbmud-ječas manna. Einar vaibakætta rok-kadalai ja bovdi ačest occat Ib-mela. Imašlaš læi dat, atte son davja dai sæmma sani ani, mak okti bajasbokte ačē moare su ala ja rangastusa. Dav-ja lavi son cækket: »Ale čievča sæ-čagasa vuostai, Ibmel buok oaid-na ja dietta, ja dat i læk manenge avkken su vuostai soattat.«

Dam bæive go son jami doalai son gukka ačes gieda ja sidai sust dam loppadusa, atte son Ib-mela alg-ga occat ja æra miela valddet.

Jos buok papak ja bismak, mak gavdnujek Norga ædnamest, lifči rok-kadallam Olaus daggar loppadusa addet, de læm mon visse dam ala, atte dat i lifči manenge avkken læmaš; mutto dast læi juoga famolæbbo go sikke papak ja bismak, ja dat læi su ječas jabme manna, gutte sust dam rokkadalai, ja Olaus loppedi dam jabmensænga lutte gatamuša ja jorggalusa dakkat. Man čielgŋalasast dat loppadus bođi, dam mi æp dieđe; mutto son loppedi, ja Einar šaddai nuft illoi, dego lifči son vuoitam stuora davvera.

Dam bæive go son jami muittali son, ædnasis, atte son oini Jesusa ja alme hærvastvuoda.

I oktage mattam muittet, atte si Olaus legje oaidnam goassege nuft njuorasmuvvam kristalašvuoda ašin, atte son čieroi. Mutto dal dam jab-me Einar sænga lutte golgge gadnja-lak, ja jakkemes læ, atte dobbe juo-ga su vaimostge likkadi.

Lasetuvvu.

»Nuorttanaste« čalle, pretejægje ja olgusad-de læ G. F. Lund, Sigerfjord, Verestaalen.